

- LAN 038-Nabavka udžbenika za učenike osnovnih škola . . . . . iznos 1.336.000 KM
3. Prilikom realizacije sredstava iz tač.1. i 2. ove Odluke Ministarstvo obrazovanja i nauke je dužno primijeniti Zakon o javnim nabavkama Bosne i Hercegovine ("Službeni glasnik BiH", br. 49/04, 19/05, 50/05, 52/05, 81/05, 8/06, 24/06, 70/06 i 105/06).
4. Ministarstvo finansija Kantona Sarajevo će evidentirati i proknjižiti uplaćena sredstva i izvršiti plaćanje po naredbi

Ministarstva obrazovanja i nauke u skladu sa prilikom tih sredstava u Budžet Kantona Sarajevo za 2008. godinu, a Ministarstvo obrazovanja i nauke će pratiti utrošak istih.

5. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-25115/08  
22. augusta 2008. godine  
Sarajevo

Ministrica  
**Aida Haverić**, s. r.

## OPĆINA CENTAR

### Općinski načelnik

Na osnovu člana 46. Zakona o prostornom uređenju ("Službene novine Kantona", broj 7/05) i člana 25. Statuta Općine Centar Sarajevo - prečišćeni tekst ("Službene novine Kantona Sarajevo", broj 23/04), općinski načelnik je 8. augusta 2008. godine, verifikovao i donio

### ODLUKU

#### O KOREKCIJI URBANISTIČKOG PROJEKTA "ZETRA - ULICA PATRIOTSKE LIGE "

##### Član 1.

Usvaja se Korekcija Urbanističkog projekta "Zetra - ulica Patriotske lige", "Službene novine Kantona Sarajevo", broj 22/06 (u daljnjem tekstu: Korekcija Plana).

##### Član 2.

Predmet Korekcije ovog urbanističkog projekta je izmjena pripadajućih parcela označenih kao k.č. 1591 i k.č. 1592 K.O. Sarajevo VI - novi premjer.

##### Član 3.

Korekcija Plana se sastoji iz tekstualnog dijela i dva grafička priloga sa prikazanim parcelama.

Tekstualni dio i grafički prilozi Korekcije Plana su sastavni dio Urbanističkog projekta "Zetra - ulica Patriotske lige", ("Službene novine Kantona Sarajevo", broj 22/06).

##### Član 4.

Po jedan primjerak ovjerene Korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo i Ministarstva prostornog uređenja i komunalnih poslova Kantona Sarajevo.

##### Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 10-23-6490/08

8. augusta 2008. godine  
Sarajevo

Načelnik Općine Centar  
**Dževad Bećirević**, s. r.

Ova Odluka je objavljena na oglasnoj ploči Općine Centar Sarajevo 18. augusta 2008. godine.

## OPĆINA HADŽIĆI

### Općinsko vijeće

Na osnovu člana 66. Zakona o budžetima u Federaciji BiH ("Službene novine Federacije BiH", broj 19/06), člana 29. i 46. Zakona o lokalnoj samoupravi ("Službene novine Kantona Sarajevo", broj 22/00) i člana 32. Statuta Općine Hadžići - Prečišćeni tekst ("Službene novine Kantona Sarajevo", broj 29/05), Općinsko vijeće Hadžići na redovnoj 36. sjednici, održanoj 21. augusta 2008. godine, usvaja

### IZVJEŠTAJ

#### O IZVRŠENJU BUDŽETA OPĆINE HADŽIĆI ZA PERIOD 01.01. - 30.06.2008. GODINE

Budžet Općine Hadžići za 2008. godinu ("Službene novine Kantona Sarajevo", broj 41/07), Izmjene i dopune Budžeta

Općine Hadžići usvojene od strane Općinskog vijeća na redovnoj 35. sjednici broj 01-14.1-5754/08 od 26. 06. 2008. godine, izvršen je u periodu 01. 01. -30. 06. 2008. godine, kako slijedi:

1. Ukupno ostvareni prihodi i primici . . . 4.863.951,76 KM
2. Ukupno izvršeni rashodi i izdaci. . . . 4.226.113,95 KM
3. Razlika između ostvarenih prihoda i izvršenih rashoda. . . . . 637.837,81 KM

Broj 01-14-1-7022/08  
21. augusta 2008. godine  
Sarajevo

Predsjedavajuća  
Općinskog vijeća Hadžići  
**Vesna Šehović**, s. r.